

NOME	APELIDOS	CURSO
------	----------	-------

PRIMEIRA AVALIACIÓN: 10 puntos en total

1. **Marca cunha cruz a resposta correcta: (NO EXAME CADA PREGUNTA FALLADA PENALIZARÁ UNHA PREGUNTA ACERTADA) (3,50 puntos)**

1. A baixa produtividade da agricultura na época do Antigo Réxime debíase: ☐ aos importantes avances tecnolóxicos ☐ á estreita dependencia dos fenómenos naturais ☐ á escasa cantidade de terras de propiedade señorial	2. Un señorío territorial era aquel na que o señor posuía a propiedade da terra e na que os campesiños debían: ☐ cobrar unhas rendas ao señor por vivir nas súas terras ☐ pagar unhas rendas ao señor pola explotación das súas parcelas ☐ exercer a xustiza en nome do rei
3. A preponderancia de Gran Bretaña no século XVIII baseábase: ☐ no seu escaso desenvolvemento comercial ☐ na inexistencia de outras potencias en Europa ☐ na súa supremacía marítima	4. O pensamento ilustrado defendía o predominio da razón como criterio de verdade fronte á: ☐ ciencia, á cultura e á educación ☐ liberdade, á igualdade e á fraternidade ☐ tradición, ao sobrenatural e á superstición
5. O peche por parte do rei da sala de reunión dos Estados Xerais reaccionasen: ☐ aceptando o voto por estamento ☐ reuníndose na Sala do Xogo da Pelota ☐ disolvéndose por non poder darle a Francia unha Constitución	6. A Declaración dos Dereitos do Home e do Cidadán foi un documento aprobado durante a Asemblea Constituínte da Revolución francesa no que: ☐ se recoñecía a liberdade de pensamento, económica e de relixión ☐ se consideraba prescindible o dereito de propiedade ☐ se renunciaba á soberanía nacional
7. O Imperio dos cen días instaurado por Napoleón en Francia tras o seu regreso da illa de Elba finalizou: ☐ coa vitoria das tropas francesas na batalla de Trafalgar ☐ coa derrota da frota francesa na batalla de Sedán ☐ coa derrota das tropas napoleónicas na batalla de Waterloo	8. Entre os motivos que impulsaron a revolución que conduciu á independencia de Bélxica respecto dos Países Baixos estaban: ☐ as diverxencias relixiosas entre Bélxica e as Provincias Unidas ☐ o predominio da relixión católica en Holanda ☐ o maior desenvolvemento económico de Bélxica
9. As posibilidades de actuación do goberno de Luís XVI de Francia víanse limitadas: ☐ pola excelente marcha da economía ☐ polo elevado número de impostos ás clases privilexiadas ☐ pola grave crise da Facenda Real no último cuarto do século XVIII	10. A nobreza francesa de finais do século XVIII esixiu a reunión dos Estados Xerais porque: ☐ consideraba que debía eliminarse a sociedade estamental ☐ era a institución que debía autorizar os novos impostos ☐ defendía a igualdade fiscal entre todas os estamentos sociais
11. A radicalización da Revolución Francesa tras o asalto ao palacio das Tullerías levou a que a Asemblea Lexislativa suprimise a monarquía e no seu lugar decidise elixir: ☐ unha monarquía democrática parlamentaria ☐ unha nova asamblea chamada Convención ☐ un Directorio por sufraxio universal masculino	12. A etapa do Directorio durante a Revolución francesa caracterizouse porque o control do poder estaba en mans dun Directorio de cinco membros que tiña: ☐ o poder lexislativo ☐ o poder executivo ☐ o dominio absoluto das institucións da monarquía
13. O Imperio dos cen días instaurado por Napoleón en Francia tras o seu regreso da illa de Elba finalizou: ☐ coa vitoria das tropas francesas na batalla de Trafalgar ☐ coa derrota da frota francesa na batalla de Sedá ☐ coa derrota das tropas napoleónicas na batalla de Waterloo	14. Entre os motivos que impulsaron a revolución que conduciu á independencia de Bélxica respecto dos Países Baixos estaban: ☐ as diverxencias relixiosas entre Bélxica e as Provincias Unidas ☐ o predominio da relixión católica en Holanda ☐ o maior desenvolvemento económico de Bélxica

15. Os movementos nacionalistas que se desenvolveron ao longo do século XIX trataban de exaltar os sentimentos nacionais dos habitantes dos seus territorios: ☐ prestando escasa atención á exaltación da propia identidade ☐ buscando as raíces nacionais no pasado histórico ☐ evitando a loita contra os Estados opresores, ocupantes ou administradores	16. Os movementos nacionalistas que pretendían separarse dunha unidade política máis grande e formar o seu propio Estado eran: ☐ os nacionalismos disgregadores ☐ os nacionalismos unificadores ☐ os nacionalismos antipatrióticos
17. O primeiro ministro Cavour aproveitou a sublevación dos campesiños sicilianos contra o rei de Nápoles durante a segunda fase da unificación italiana para: ☐ ceder Parma, Modena e Toscana a Austria ☐ enviar os “<i>mil camisas vermellas</i>” ao mando de Garibaldi ☐ renunciar á incorporación de Venecia a Italia	18. Entre os factores que impulsaron o movemento independentista das colonias españolas en América estivo: ☐ a gran confianza que tiñan os crioulos na metrópole ☐ a influencia da Revolución americana que deu lugar ao nacemento dos Estados Unidos ☐ o total desinterese do Reino Unido polo comercio con América
19. Simón Bolívar pretendía que as colonias españolas en América se independizasen de España para: ☐ crear unha federación de Estados americanos ☐ unirse ao Estados Unidos de Norteamérica ☐ formar unha multitude de Estados independentes	20. Entre as consecuencias políticas da independencia das colonias españolas en América está: ☐ o mantemento do caudillismo e do militarismo ☐ a eliminación do latifundismo e a corrupción ☐ a ruptura total coa cultura e a lingua española

2. Escolle CINCO dos seguintes oito termos e defíneos tendo en conta o que estudiaches no tema correspondente: (2 puntos)
- a) OPENFIELD, RÉXIME DEMOGRÁFICO, REAIS FÁBRICAS, DESPOTISMO ILUSTRADO, , ESTADOS XERAIS, BLOQUEO CONTINENTAL, LIBERALISMO e CRIoulos.
3. Escolle unha das seguintes dúas cuestións e explícaa segundo o que estudiaches no tema: (4,50 puntos)
- a) A xente do común ou terceiro estado no Antigo Réxime
- b) A unificación alemá

TERCEIRA AVALIACIÓN: 10 puntos en total

1. Marque cunha cruz a opción correcta de entre as tres que se propoñen (CADA PREGUNTA FALLADA PENALIZARÁ UNHA PREGUNTA ACERTADA): (3,50 puntos)

1. As posturas políticas radicalizáronse en Europa sobre todo tras: ☐ a crise económica dos anos trinta ☐ o descenso da desconfianza da poboación cara a democracia ☐ o crac da bolsa de Nova York en 1924	2. A revolución era a única saída á crise dos anos trinta pola que apostaba: ☐ toda a burguesía ☐ gran parte das clases baixas ☐ a maior parte das clases medias
3. Os movementos fascistas eliminaron dos seus programas a demagogia revolucionaria anticapitalista para: ☐ implantar un sistema comunista ☐ expulsar das súas filas ás clases medias ☐ conseguir o apoio dos grandes empresarios e terratenentes	4. A toma do poder por parte dos movementos fascistas foi posible en gran medida grazas: ☐ ao apoio do exército e a policía ☐ ao rexeitamento por parte de todas as institucións do Estado liberal ☐ á escasa colaboración da maior parte da poboación

5. O Partido Nacional Socialista dos Traballadores Alemáns transformouse nun partido de masas e aceptou o xogo parlamentario: ☐ no momento da súa fundación ☐ tras o fracaso do Putsch de Múnic ☐ durante o incendio do Reichstag	6. As eleccións de xullo de 1932 en Alemaña tiveron como resultado: ☐ a vitoria do partido nazi ☐ a maioría absoluta do partido nazi ☐ un triunfo dos partidos de esquerdas
7. A chamada República de Vichy que se formou en Francia durante a Segunda Guerra Mundial estaba: ☐ situada na parte do norte e da costa atlántica do territorio francés ☐ gobernada de forma autoritaria polo mariscal Pétain ☐ dirixida polo Goberno fascista e colaboracionista dos nazis do xeneral De Gaulle	8. Hitler decidiu intervir na zona dos Balcáns durante a Segunda Guerra Mundial porque: ☐ fracasou o intento de invasión de Grecia por parte de Italia ☐ triunfou a invasión de Checoslovaquia por parte de Albania ☐ enviou o Afrika Korps para ocupar Bulgaria e Romanía
9. Xapón iniciou un rápido proceso de ocupación dos territorios no Océano Pacífico despois de: ☐ causar escasos efectos nos recursos militares de Estados Unidos no ataque a Pearl Harbor ☐ devolver o territorio de Manchukuo a Corea ☐ destruír parte da frota estadounidense no Océano Pacífico	10. As tropas xermanas víronse obrigadas a capitular na batalla de Stalingrado debido a motivos como: ☐ a chegada de numerosos reforzos desde Alemaña ☐ os efectos da fame e do frío ☐ as altas temperaturas do verán ruso
11. A gran ofensiva que constituíu o desembarco de Normandía en xuño de 1944 permitiu que o exército aliado: ☐ reforzase as defensas alemás no centro e oeste de Europa ☐ evitase a toma de Berlín por parte do exército soviético ☐ liberase París e todo o territorio francés e belga	12. Os campos de traballo que se estableceron na Segunda Guerra Mundial baixo control das SS e de grandes conglomerados industriais: ☐ abundaban especialmente en Europa oriental ☐ utilizaban unicamente man de obra escrava no oeste de Europa ☐ recluían principalmente a poboación de razas consideradas autenticamente alemás polo nazismo
13. Algúns xerarcas nazis foron condenados a morte tras a celebración: ☐ do proceso contras as matanzas de poboación xaponesa en Katyn ☐ da conferencia de paz contra os responsables do lanzamento de bombas atómicas sobre Londres e Dresde ☐ dos xuízos de Núremberg	14. A maior parte dos países de Europa occidental estableceron tras a Segunda Guerra Mundial un sistema político: ☐ da democracia parlamentaria ☐ das chamadas democracias populares ☐ de democracias comunistas baixo o control da URSS
15. Alemaña e a cidade de Berlín quedaron divididas en catro zonas de ocupación tras a Conferencia de Postdam as cales estarían administradas por: ☐ Polonia, Checoslovaquia, Hungría e Iugoslavia ☐ Italia, España, China e Xapón ☐ Estados Unidos, Reino Unido, Francia e a Unión Soviética	16. O territorio de Corea, que fora ocupado polas tropas xaponesas durante a Segunda Guerra Mundial, despois deste conflito foi: ☐ dividido en catro zonas de ocupación ☐ ocupado ao norte do paralelo 38°N pola URSS ☐ ocupado ao sur do paralelo 38°N por China
17. A Asemblea Xeral é un organismo da ONU que está formado por todos os Estados membros e que ten entre as súas funcións: ☐ emitir recomendacións ☐ eliminar o dereito de veto dos membros permanentes ☐ elaborar resolucións de obrigado cumprimento para todos os países membros da organización	18. Entre os Estados que teñen a condición de membros permanentes do Consello de Seguridade da ONU están: ☐ Estados Unidos e Alemaña ☐ Xapón e Francia ☐ Rusia e China
19. Todos os países membros da ONU están obrigados a: ☐ exercer como membros permanentes do Consello de Seguridade ☐ cumprir as resolucións do Consello de Seguridade ☐ ter un secretario xeral da ONU nacido no seu país ao longo da historia da organización	20. A Secretaría Xeral da ONU está formada por un corpo de funcionarios e por un secretario xeral que é elixido: ☐ cada dous anos entre os dez membros permanentes do Consello de Seguridade ☐ cada catro anos nas eleccións celebradas en cada un dos Estados membros ☐ cada cinco anos pola Asemblea Xeral da ONU

2. Defina brevemente os seguintes cinco termos (ESTENSIÓN APROXIMADA POR TERMO: 3-4 LIÑAS OU 40-50 PALABRAS): (2 puntos)
- a) **LEIS FASCISTÍSIMAS, PACTOS DE LETRÁN, NOITE DOS COITELOS LONGOS, SS e LEIS DE NÚREMBERG**
3. Escolle un dos seguintes dous documentos (DOCUMENTO 1 ou DOCUMENTO 2) e coméntao seguindo as pautas que aparecen a continuación: (4,50 puntos)

DOCUMENTO 9. Programa do Partido Nacional Fascista

Doc. 9 Programa do Partido Nacional Fascista.

Principios de política interior:

O Estado ten que ser o celoso gardián, o defensor e o propagador da tradición nacional, do sentimento nacional, da vontade nacional.

Principios de política exterior:

Italia ten que recuperar a súa función de bastión da civilización latina no Mediterráneo e impoñer o imperio da lei sobre os pobos de nacionalidade diferente ligados a Italia.

Principios de política social:

O fascismo reconece a función social da propiedade privada, que é á vez un dereito e un deber [...].

O PNF esforzase en disciplinar as loitas [...] entre as diversas clases, e en sancionar e facer respectar [...] a prohibición da folga dos servizos públicos.

Programa do PNF, publicado en *Il Popolo d'Italia*, 27 de decembro de 1921

Pautas a seguir para o comentario do texto histórico

- a) **CLASIFICACIÓN**
- Título
 - Natureza do texto
 - En función da súa orixe (fonte primaria ou fonte secundaria)
 - En función da súa forma (histórico-circunstancial, histórico-testemuñal, histórico-literario...)
 - En función do seu contido (xurídico, político, económico, filosófico, xeográfico...)
 - Época na que foi escrito
 - Lugar no que foi escrito
 - Autor ou autores
 - Destino
 - Intención e obxectivos
- b) **ANÁLISE**
- Tema
 - Temas ou ideas secundarias
- c) **COMENTARIO EN RELACIÓN CO CONTEXTO HISTÓRICO**
- Explicación do tema ou temas que trata o texto, **sempre en relación e facendo referencia ao contido dos documentos**
 - Mención en primeiro lugar das circunstancias históricas nas que se elaborou o texto

d) CONCLUSIÓN

- Valoración crítica do mapa como fonte de información sobre os feitos históricos tratados (autenticidade, exactitude, sinceridade, obxectividade, nivel de interese á hora de analizar o acontecemento ou a época histórica na que se inscribe...)